

新疆圖志卷十四

天章五

高宗純皇帝

葉爾羌驛貢石榴蘋果木瓜三種詩以紀事庚辰

大宛天馬早歌徠果品惟三致自回張協金牙斯漏賦牂牁蒟醬  
此殊開詎曾燕趙移根往且共瓊瑤包貢來順德何須却食物競  
競敢詡版章恢

回部貢金至命為麟趾裏蹠以紀其事庚辰

諸回城既悉內屬戎索益闕念非經以井牧則別部偪處久或  
強食患滋然屯開戍集而官司精廩因之若前代骨都戍已僕  
僕轉餉坐耗腹地物力者朕豈為之哉去歲將軍兆惠等以回  
民環籲定賦請加鑄天朝年號通寶於見行騰格錢以資輸納  
朕命檢校將來大臣官兵駐防歲給所需取足供支而止其視  
曩者噶爾丹策凌貢入諸回部故額蓋已減十之五六矣今歲

新疆圖志

天章五

騰格已供彼處諸屯戍之用而貢金適至乃付冶工鑄麟趾裏  
蹠以誌緣起並系以詩昔漢武幸回中下詔言封岱時見西域  
金氣之祥因鑄黃金為麟趾裏蹠其詳已不可考說者謂瑞麟  
五趾其形當如餅而五出若裏蹠正深圓則後世沿而范之者  
固衆無足深論然注池玉河朕且不以得地為寶豈珍此纍纍  
鏐銑而置之以示方來者良以固圉繕邊初不役費中土民生  
為至計否則禹貢三品屬之水衡可耳又何長言細繹之為

肉好頌型騰格錢儲胥恰供戍新邊或殊疲弊中國耳並聽輸將  
三品焉西域早稱氣格感泰山虛詫瑞曾餅政平遠服吾何有紀  
寶聯因麟裏傳

命儒臣排次回部錢文及所有古銅錢因題以句庚辰

天佑西師歲大功勞徠泉府貴流通形猶騰格因其俗寶鑄乾隆  
奉我同回城既定部人以騰格輸將軍等請仍其舊式惟以陽面加鑄乾隆通寶以行又驛致回中所有古錢蓋古時妻主輸納所致因命儒臣排次之景德開元溯所有和

親互市鑑於中篋藏詎詡聲靈已垂德懷柔慎自躬



駐劄葉爾羌大臣呈覽所鑄乾隆通寶至因用排次回部錢文詩

韻紀事 庚辰

昨歲元戎奏定功早鑄鼓鑄市郵通即看大冶範鎔就仍屬司農

職掌同 將軍兆惠歸為戶部尙書 寶是乾隆來自外錢殊景德去由中 排次回部古錢時有景德開元諸錢彼時未臣服其

地自屬中國播往者 用權子母底其貢獻戢干戈省厥躬

海努銅印詩 有序

武定功成農政宜舉念伊犁委之荒蕪久或別部竊踞非良圖  
也因命副都統阿桂伊柱等率兵往理屯政茲伊柱循行至海  
努克地見大招梵帙叢委以次檢輯獲虎紐銅章一方文曰管  
轄厄魯特後旗札薩克印旁識雍正四年十月鑄成即日驛封  
來上蓋向年曾頒給喀爾喀之厄魯特札薩克毛海者彼叛往  
準噶爾攜以獻噶爾丹策凌因命篋衍內廷並系詩以誌其事

厄魯和通 厄魯時謂回人為和通 以次平徐籌考收及屯耕葉奇 即葉爾奇木四字急呼之實兩字也 已慶

春膏溥 四地素艱雨澤昨阿里哀等三月二十一二等日葉爾奇木諸城耕作方興甘霖大沛回人皆詫為希有 海努曾無兵燹驚收拾金經版

新疆圖志 天章五

淨業分明銅印返神京天驕猖獗今何有蠲忿因之益凜盈

回玉圭謠

崑崙西極玉所都穆滿靈器傳西胡楚曰珵衍魯璠璣其偶然耳  
古論諸乃今通道蔥嶺途歲為恆供甯十區是圭寶彼之寶符駟

來什襲呈天衢阿渾 通回經字者 譯出其文據駢蕃吉語歌九如福作昌

熾享齡遐 叶 豫順兆姓鞏皇圖宜子孫佩意不殊韞櫝奚識咸賓

謨保奭用訓猶忸吾

回劍行 有序

逆酋小和卓木霍集占所佩副將軍富德大勝之於伊西洱所  
獲也凱還奏進詩以識之

袂褱展室青萍寒一條秋漢溢波瀾蛟龍水斷犀兕剗古鈎薛燭  
古所傳泰階九宇胥晏安歐冶之法誰則閑絕域尙武求精堅鈗  
鋒三尺不可剗弱肉強食必佩旃况彼窮奇肯離焉伊西大勝回  
纛攀二酋倉皇駭走前護茲銳器銳訝觀訊醜踉蹌具致言劍藏



霍集占身邊惟命是顧乃忍捐異封獻馘師凱旋彤庭奏進出匣看光芒誠覺星辰連毀弄武庫識歲年保定諸部籌久全

回纆行

小和淖木

其號

霍集占

其名

領兵來援圍城嚴先是其兵來赴救托和

籍

地名

已二千殲逃生回者匍匐告昧死尙敢潛窺覘城中知有賊

接應借一出突施戈鏃綠旗圍城腹背敵屹立不動戰方酣是時

實賴愛隆阿

副都統領隊大臣

率千騎至背奇男

吉林滿兵及索倫兵

橫衝截入亂回陣斬將

獲醜如囊探狂回難當復大敗東籠案角相藉攙毆至鄂根河之

側溺水逝者如蠶眠賊約五千三千死千餘戰士威風添霍集占

乃抱頭竄塞其大纛銅旗尖咳首五色書旗幅不解其義言詰詰

驛致既喜復致惜設執逆醜除兇儉徂維求定靖遐壤止戈和衆

吾方快

後回纆行疊前作韻

樹丸窖米符祥占

喀喇烏蘇之役將士方堅壁越援時於固守處得窖米騰軍樹上檢鉛丸濟用並獲

神助

孤軍接應遂解嚴整師

新疆圖志

天章五

三

救和闐玉隴帕首蟻雜胥劉殲將以三路進掃穴僑如叔伸先潛

覘狼狙孳孳預遁去二城降不勞矛鏃兢作鏡吹迓主帥從今食

飽眠亦酣選卒前遮復後襲義無返顧均雄男線天磧地采入阻

欲得虎穴虎子探明瑞邀之軍魯克以少勝衆折扶櫬富德追及

伊西洱用強驅弱如掃蠶鹿唾流湯賊屢敗獲銃塞纛軍威添遁

入異域卽獻馘飛來報捷紅旗尖凱旋攜以貢武庫阿渾譯出其

文詰亦知福善禍淫道胡乃背德興狂儉敵愾致力衆惟惜事成

志遂吾敢快

玉腕詩

玉腕來回部輸誠貢闔閭召公懷不寶韓子戒無當異致白毛鹿

引恬頰尾魴

回部葉爾羌喀什噶爾初役屬於準噶爾爲所拘繫因我大軍勘定伊犁始釋之令歸所部其長伯堯和卓遣使求內屬此其所貢也

勞徠非力并

天眷奉昭彰

詠玉茶碗

戊寅

于闐何必購奩環通貢薄來每厚還保定不期致遠域琢磨亦復



藉他山示禎碧落星辰表延喜明廷樽俎間漉雪浮香真恰當思  
推解渴福區寰

玉腕詩已卯

曾未于闐遣使求堅昆玉腕自來投詎云有翼千觔獻那肯無端  
大白浮賢問乃明君子德工言幾誤楚人璆歲時宴饗斟香茗延  
喜明廷弈葉麻

蕃劍行

蕃劍一泓波溢塘鈿從文起飛寒芒其來伊犁萬里外限以大幹  
天各方語言不通振古異誰歐冶爲去聲爲魚腸昔策妄阿拉布坦  
草劍絕域誇雄強大小策凌敦多卜皆其羽翼兄弟行大者善計  
善將將小者勇萬夫莫當矢石雨下自弗著亦不驚避狀若常禡  
木特及撒拉爾自謂弗及言之詳此劍及彼所佩用不離身持短  
八長強者死絕弱者亂曾不歷世羣喪亡熒熒孤息挈部落歸命  
貢此呈天閭暴得暴失何足紀聊紀向化武庫藏聊紀向化武庫

新疆圖志

天章五

四

藏吾猶慮其爲龍飛去水中央

詠唐時回銅器有序

山莊舊藏古銅器一似豆而短足初以爲三代青綠耳迫視之  
形不饜饜銘不乙丁金銀錯其文則似回字令吐魯番哈密回  
子等識之惟識噶愛兩字其餘皆不辨蓋彼經亦有古今之異  
人不能盡曉也嘗考回鶻唐時始通中國史稱其先匈奴匈奴  
與今之蒙古相類則回回並非蒙古且殊教也元史始有回回  
國之名或稱其爲大食國種大食在西域此稍近之明邱濬以  
爲陳隋間始入中國在在有之在在有之者亦云其繁滋漢土  
者耳其的派固不離西域也今平定葉爾羌喀什噶爾此實開  
闢以來不異之回地回人若布魯特若哈薩克皆蔓延繁滋或  
雜蒙古種者有之若唐史回鶻傳所稱善騎射喜盜鈔者實近  
厄魯特之習而非回人所能徒以回鶻音近回回音屬之纏頭  
之類耳究之耳食舌傳魚魯千里將以餘暇博考此姑俟之所



喜者適獲此器於平定回城之時殲厥渠魁繫以白練兆在斯乎兆在斯乎故從而爲之辭

不是辛尊與啟匱考時應入李唐時纏頭回鶻人斯用饅肉葡萄宮所遺噶謂作平聲愛旁行粗可識冰斯古笛豈咸知遷其重器茲先兆伫待俘來罷遠師

觀回部繩伎聯句有序

繩伎卽占尋橦度索之遺而徵信者史闕有間國家諸藩向化方伎畢臻若僦侏兜離大之可以數典紀功精之可以省風體物所由來遠矣此因回紇內屬花門抱器者胥隸樂府獻歲列部番觀燈筵欸待乃命回人緣高楔跨修繩前奏斯技以愜觀聽其始也夏夏子子無挾而造則近乎勇其繼也于于徐徐出險而亨則近乎智其究也油油灑灑奉身而退則又近乎仁蓋一藝而三善具焉若是昔昌黎石鼎聯詠重自標置謂吾詩云云不解人間書矧我二三詞臣方當釐宮懸所必備補王會所

新疆圖志

天章五

五

未圖而可孤勝事作恒語乎是用卽目首倡俾劉綸于敏中聯成五十韻以示誌西域者垂之副墨

製御 筠冲今允服都廬昔所稱燈節陳長技

幢戲超同朋首髡省纏鬢脛露辭裹膝扱衽屬橐鞬臣劉綸束體雜組繪連隊次樂部儲具供林丞差排跂斯翼臣于敏中

製御 控掣掾之隔雙撐千尺木直拽三丈繩如虹拖碧落不棧懸丹凌窮巔互榻皮拓勢么弦絙腔遲秋筆峭臣劉綸拍急臘鼓磬居然謝梯笈詎爾忘淵冰臨崖送者返臣于敏中

製御 拔宅仙乎登發地上累足凌空息撫膺奇趨忽百出邪許時一鷹布武失偈仄振臂誇俊儆鞠効秦贅臆臣劉綸擔匪虞卿登低腰宛舞女合掌俄枯僧跡習邯鄲學臣于敏中

製御 意會痾僂承履銅取滑細著屐寧愆競屏營無二慮摺拄惟兩肱絲曳挺立顛角挂矜睡管竿頭詣成進臣劉綸繫表神來騰迴旋

輓轆軸盤辟浮圖層亭亭踞閭闔臣于敏中



製御

軒軒棲舳凌瞥下儼跨馬虛躍似翻鷹安其危永吉動以定乃  
凝叱陋九折坂抽嫻三釋棚佛跏安帖結臣劉禹步蹒跚仍紉殊

製御

孫兒倒牽詫傀儡興爪攫鸚在架臣于  
尾掉魚離營目正徑無險心卑高可乘木雞差足擬磨蟻猶難  
勝初餘引髮重轉喜繫卵增達中或重爾臣劉棘端孰鋪毳磬折  
筍虞系蓬轉颺車凌奄馳箭雲驥臣于

製御

將徙培風鵬諷元徒傳藻賦張真究升躡躑有餘暇彳于鮮後  
懲情移禦寇善力靡偃師憎却行退宋鷓臣劉縮守黏曹蠅進止  
自栩栩視聽交悶悶拔河鬪謾騁臣于

製御

胥索走妄誦旁觀駭汗致孤翹壯心憑教猱猱遜捷憐夔夔敢  
矜外方遊殆庶域中見何曾巧習履而泰臣劉道藝貞以恒胸晒  
石火幟機鄙扶風緼交閱新誌備臣于

製御

幻人前事徵列睹俾愜衆論賞聊觀能行慶輯戎索熙春和氣  
蒸

新疆圖志

天章五

六

蕃甲行

權輿甲冑作軒轅銅頭鐵額人驚看函人慎術精五屬合甲壽至  
三百年然惟犀兕察革空上聲 眡裏眡朕要取堅後世乃有鎖子甲  
鐵環金練蛇鱗翻我聞其名未覩物偃武日久工失傳底定伊犁  
盡肉袒台吉宰桑來後先取其重器藏武庫鐵章蕃甲驛致駢上平伊  
鞞得鐵甲一蓋其台吉世所傳用詳見記中 當時噶爾丹策凌恃遠抗大數入聲 擾邊其人狡譎習

攻戰頗能憐下人稱賢備器致用懾鄰服哈薩克無能為患叶 以  
武得之守詎可逆天內潰宗弗延廿一昂吉皆入化昂吉者蒙古語部分也準噶爾所屬或一鄂拓克為

一昂吉或合數鄂拓克為一昂吉凡二十一皆噶爾丹策凌分內者今均內屬其衆台吉下之鄂拓克則各合其汗王札薩克等掌之一如四十九旗之制 四圖什墨為我臣叶噶爾丹策凌擇四人為圖什墨圖什墨者大臣之稱也又其次為六札爾扈齊佐圖什墨理事者也今仍其舊授四圖什墨為內大臣札爾扈齊為散秩大臣管理二十一部分之事 組鎧虎皮包弗用或異

得四白鹿旋

碧玉盤謠

碧玉之盤徑逾尺質本規圓色光澤準夷重器守世則貯以馬漣  
可盈石穹廬玉醴斯陳席準俗四月馬漣新得時置筵酬神詐馬為慶謂之玉醴斯蒙古亦然但不如其盛耳 以招百福繁生息



仁義不施攻守易矯虔奪攘紛兵革休屠金人且弗惜玉盤自合  
棄荒棘磕破邊角秦璽阨伊犁墾田耕者獲驛使致京飛不翼取  
裁改爲葵花式穆然完好綈几側湯之盤銘日新德用識顛末茗  
華勒

錫封阿睦爾撒納等謝恩朝見詩以紀事

初秋款塞柏冬權山館來迎表寸丹

阿睦爾撒納以七月至即請入覲朕因其未出痘命俟東巡迴蹕至熱河謁見

中國懷

柔寧過厚遠人禮數且從寬乍瞻大典心猶踖得厠親蕃意倍歡

阿睦爾撒納同來歸附二十餘人各錫郡王貝勒公封爵均命爲札薩克與內札薩克諸藩等寵示諸侯王上位漢家終是畏呼韓

至避暑山莊日輝特台吉阿睦爾撒納等接見

冬節山莊此重

去聲

尋衝寒爲慰遠藩心開疆擴土非吾志機輳人

歸藉

帝臨

朕自登極以來初無用兵意邇年準夷內亂竊奪相仍都爾伯特輝特和碩特諸台吉李衆來歸先後接踵既當爲降人壽久長計且實有可乘之機皆藉

上眷默眷云迎蹕翹瞻猶弁

服詰朝寵錫易華簪薰風五月員渠宴壁上詩箋一再吟

準噶爾輝特台吉阿睦爾撒納歸誠信至詩以紀事

新疆圖志

天章五

七

惠逮條枝宴賚倍

駐避暑山莊賜宴都爾伯特台吉策凌等封以王公等爵命返游牧

烏孫又報挈羣來敢云德化

俾苗格信是

天恩致宇恢重賞崇封吾豈靳推心置腹彼何猜山莊計日應重

到

將以冬月復臨熱河晉見施惠

深意當年萬載培

至避暑山莊日都爾伯特台吉策凌等接見

路左傾誠候屬車來歸憐遠自員渠識時稱傑惟嘉爾敷德賓遐

何有予錫爵都教加袞服錫殮還擬賦嘉魚一家中外歡言暢底

事周官藉象胥

丙子春帖子

歲紀重開子星杓又指寅天涯息征戰歌舞太平春

烏孫歸去各封汗協紀明時命五官訛正從前珠露海

蒙古推步家謂之珠露海準噶爾舊有之

茲以歸我版圖命何國宗等挈儀器往測晷度注之憲書以示同文條風翹首向東看

庚辰春帖子

臘半發青陽曉春萃百祥十干周復始又慶值金穰



東陸延禧肇西師告武成南端雙鳳闕北拱萬年春

伊犁喇嘛行

蒙古之教宿尚黃宗喀巴以來三百餘年其流長昔顧實汗以此  
雄據衛藏攝羣部然亦不過假名敬佛要乃所以收衆方強吞弱  
噬互攘竊無不垂涎達賴喇嘛貌為恭謹其實心弗良策妄阿拉  
布坦創據伊犁有弗遑然已計入西藏肆披猖逮噶爾丹策凌遂  
興黃教名曰安衆生亦效西域逮都綱都綱者西藏衆喇嘛  
聚而誦經之室也白氈為室布  
為牆後遂範金作瓦覆棟梁金仙相好備嚴莊六時梵唄聲無央  
塔本集賽供餼糧噶爾丹策凌於伊犁河濱創構佛寺北曰固爾札南曰海努聚集喇  
四牀喇嘛坐床者為西膜拜台吉諸宰桑其善在此其弊即為殃喇嘛達  
爾濟及達瓦齊相繼篡立無不藉諸喇嘛之力以肆強逆賊阿睦  
爾撒納亦結若輩為黨以煽亂其窮竄也旋劫奪喇嘛馬駝用致  
遠去颺喇嘛散去乃同嗎哈沁蒙古謂肉為嗎哈厄魯特中貧安知五戒六度如  
佛所云皮肉骨髓盡捨以救人飢荒是誠楞嚴所謂外道貌佛弟

新疆圖志

天章五

八

子為壽張勿怪佛不慈汝俾汝遭喪亡側身西望爰作伊犁喇嘛  
行

土爾扈特汗渥巴錫等至伊綿哈朝謁詩以紀事

通使曾經丙子年土爾扈特汗敦布喇什曾於乾隆丙子秋遣使入茲徠統部不期然名

編典屬非招致禮肆鴻臚合惠宣類已全歸衆蒙古峪徵嘉兆信

伊綿是地舊名布祜圖昂阿乙亥秋噶爾藏多爾濟來朝於此丁丑戊寅哈薩克布特歸化其使臣並無心蜀望

猶初志丙子宴土爾扈特使臣詩有無心蜀望更勤遐之句蓋彼時土爾扈特猶遠阻俄羅斯雖有嚮化之心無山徑達朕

不及耳

天與欽承益鞏虔

萬樹園賜宴土爾扈特汗渥巴錫等卽景成什

汗仍其舊號新綏餘各優封五爵施渥巴錫乃其舊汗敦布喇什之子本應襲汗者茲子封

德馬漣蟻醪醉不辭千古為稀今厚幸爾封為郡王餘則貝勒貝子各西公二封爵有差

契苾詎徒四百帳招搖那藉九夷旗甯餽珍膳飽以

天恩



祖烈奉惟寅

宴土爾扈特使臣

烏孫別種限羅叉

土爾扈特亦準噶爾厄魯特也舊為四衛拉特之一曰綽羅斯曰都爾伯特曰和碩特曰土爾扈特策安阿拉布坦時與土爾扈特構贊土爾扈特全部西北去乃名輝特為一衛拉特故今

土爾扈特南則限於哈薩克東則限於俄維斯欲至中國必假道於俄羅斯又名羅叉云

假道崎嶇歲月賒

戊年自彼部起程今始至

天闕不辭欽獻

費雪山何礙許熬茶

蒙古以詣西藏熬茶為要務故並許之

覆幬誰可殊圓蓋中外由來本一家

彼以誠輸此誠惠無心蜀望更勤遐

萬樹園賜都爾伯特親王伯什阿噶什及土爾扈特來使觀燈

鱗集來王有後先堅昆馳使又踪連衢尊錫宴前朝洽寶炬裝燈

午夜妍銀燕火蛾紛樹下驚驤駭鹿避崖巔侈觀詎為跨遐屬朐

爽光明示別權

萬樹園宴都爾伯特親王伯什阿噶什及土爾扈特使臣吹札卜

卽席得句

碧霄晴旭曉光澄穹幕高張翠毳毼禮法不拘從所習友羣何礙

集相仍捧盈常切予心懼奠遠惟欽

新疆圖志

天章五

九

祖德憑萬樹清暉懸

聖日未曾可識昔猶曾

都爾伯特台吉伯什阿噶什來覲封為親王詩以紀事

來歸就弟兄

前年來歸之策凌策凌烏巴什皆其同族弟兄

嚮化慕簪纓不作逆天黨

伯什阿噶什曾于軍營告逆賊阿睦爾撒納反謀叛

惟殷捧日誠用茲嘉乃績便與錫殊榮式戒蝸蟻沸永遵帶

礪盟

命噶爾藏多爾濟諸台吉隨圍卽事得句

懷惠無勞詠匪茹橐鞬左右聽相於底須歡辭椽為戈自有新安

周作陸子弟三韓善枉矢後先四部讐穿鑿

厄魯西部又謂之衛拉特西部

山莊指日旋

清蹕凱宴還賡零露漙

宴噶爾藏多爾濟等卽席得句

風清日朗好秋時嘉會新藩式燕儀衆建一如札薩克悉臣今逮

綽羅斯

西衛拉特綽羅斯氏為彼中正派向未附茲始封噶爾藏多爾濟為綽羅斯汗其餘王公及札薩克以次分封一如喀爾喀及西十九旗之制

露灑畢令沾三爵

蒙古善飲

酒而厄魯特尤為甚是日汗王及諸台吉皆手賜三爵

月上仍教閱九枝

是夕陳烟

詎我懷柔能致遠



神堯威惠萬年垂

駐蹕興安綽羅斯台吉噶爾藏多爾濟等來謁詩以紀事

定遠非勞一矢加仰流鱗集不辭遐烏孫歸去新蒙號饒得頻來

供拜嘉開宴旋當賚黼黻俟至熱河合新舊諸蒙古王台吉普加宴賚賜新至者冠服是日先賜鞍馬扈圍先此賜駟馭

朝家獵狩應教預漫擬長楊事大誇

準噶爾台吉噶爾藏多爾濟歸化信至詩以紀事

呼偈披忱寵錫新夙沙交臂又來賓命師底用張三代西北兩路所用薩拉爾阿睦爾撒納皆率

先降附之準噶爾部衆將軍班第永常董率之而已本欲以餘力舉之故禮牙命將諸典禮皆未行安遠惟因恤兆人先是微諭諸部因達瓦齊篡奪肆虐荼毒

傾附耕者不憂成慶來蘇正喜捷音來禁苑還期鞠旅共賢臣水西流處均東面

天佑欽承倍敬寅

卽事

松塢雲莊往復還新藩三接卻餘間歸心底限窮邊外繼踵頻來

數月間今年兩至熱河五月中歸誠之都爾伯特台吉策凌等迎謁加恩燕資錫爵有差比輝特台吉阿睦爾撒納繼至復以冬至後駐山莊受朝錫賚如初頃接烏梁海宰桑福木特等降附則因其已出痘即於京師見之便

擬皇風浹西海果然積雪看南山南山積雪爲三十六景之一舊作有留觀真待到深冬之句蜃牕萬景供吟

新疆圖志

天章五

十

凭冰磴寒林懶試攀

賜宴輝特親王阿睦爾撒納等詩以紀事

黃幄高張宴析支懷音內面後先隨敷文底事稱千羽施惠何難

與解推疆場都欣効奔走命阿睦爾撒納赴北路軍營以來年出師意甚踴躍衣冠已與習威儀來歸諸台吉皆賜冠服入宴時

拜跪如禮晚來燈景還教預恰值冰輪正滿時

詠回銅噉噉器疊去歲避暑山莊詠唐時回銅器韻有序

噉噉噉之器正圓而豐下上橫蓋可左右紐高五寸有十分寸

之五口圍尺有八寸腹圍二尺四寸有十分寸之八中實六升

許銅范而金銀錯其文皆旁行回字不可辨識西師凱還將軍

等與所俘武器並獻命阿渾通經典者其名曰哈爾披野特者詳譯之

具云元時回部有汗曰眉哩特木爾世居伊楞地名今在布哈爾之西嘗得沙

賴子城名在伊楞左近良匠喀嗎爾所造用貯漿齊鏤文悉祝嘏之辭葉爾

羌喀什噶世不乏一二見其緣起載陀犁克名史云云夫天堂墨

克之區遼邈荒忽歷代史牒所志支離牽合罔所折衷今荷



天

祖垂庠師武臣克襄成績版章其地氓隸其人乃至昔舊日物留遺皆得入中國而詳其原委亮非獲休屠金人與蒲梢苜蓿輒斷斷動色哆詞之爲也以長言系之俾傳示來許不務方物之遠益無忘綏輯之艱云爾

重器真遷噉嚙舊作有遷其器茲先兆之語平回並馘獻來時曾供菽水數升受亦

閱春秋四百遺其史所記造此器時當在中國大元時歲月不可細考約計距今已四百餘年矣喀嗎匠鏤眉里用陀犁史載

阿渾知詎珍三品精鍍銀保定方籌撫衆師

玉盤謠

玉盤博徑得二尺圍六尺有去聲五寸益虛中盛水受一石素質不

雕其色碧旁達孚尹瓊華澤葆光撫不留手跡羣生之精出崑崙

吉日甲子天子賓於西王母瑤池津行觴介紹簠簋爾時所御

器今存作鎮西極永好完未入震旦三千年問今何來不脛偶準

噶爾亡淪世守阿爾撒納茲竊取王師采入靖孽醜於將獲之聯

新疆圖志

天章五

十一

猿走棄其重器爲我有元英元呂陳座右咄哉玉盤徒華滋不可食兮不可衣連城價詎如窮俘彼禍旣除可罷師前歌後舞樂雍熙環玩吾將安用之擬付鄭人一例椎

玉盤謠疊舊作韻有序

西濛穴掃元戎重器同遷北漠屯開督護遺珍載獻在德致詎誇夫俘玉而功成宜切於銘盤一圍因以重之兩美茲其合矣爾乃闐河粹毓準部材程昔焉青鉢偕登世作躑林之寶昨者金屠不守時投歐脫之墟當夫琛賚來庭兌和列序璆琅匪乏奚煩徵典瑞於骨都輪廣依然亦未著鐫文於阿渾祇以五期殊績捷應轉圜百部永清歡回覆盎此則達瓦齊故物已虛槃敦行酒弗辱夫降王阿睦爾撒納齎賫空盜大弓襲蹠究歸於太府是用擒二篇而述事鑄謝鼎詞閱三載以繫時欵箴座右

云爾

與昔獲盤符寸尺隻復成雙補闕益忽分忽合無情石猶覺愉焉



色潤碧却似延津龍躍澤是宜有詩紀其跡出師昔歲畧崑崙五  
載功成咸來賓天方默克西瀛津或貢鑠甲或玉罇付之有司武  
庫存精金華服綵帛完薄來厚往已數年物固有幸奇聯偶伊犁  
扼要輪番守儲胥詎藉邊內取哈薩布露胥地醜敢萌覬覦市易  
走墾耕忽見此盤有驛致同舊列左右絕域秋登萬寶滋既足食  
矣還足衣喜固在彼斯非奇敢因志滿不戢師天庥敬奉戒恬熙  
福謙保泰永志之向欲速矣思增椎前篇以得盤時通遼尚未就殫故有擬付鄭人一例推之句

玉盤聯句

有序

懷任協紀齊頌九譯之春姬嘗迎韶早展重華之宴試覓新題  
於甲觀寧沿舊例乎幸盤則有西部輸珍尙方典器青筠浮面  
一雙承露交擎碧蒼爲跌三五曜靈滿暈始包軍諮驛遞未碎  
斗而楚帳烏飛繼焉屯長犁翻存竊鈎而魯庭盜走失守見可  
敦並棄龍沙鼃采猶韜得時思哨馬同陳魚海土花不蝕矧乃  
泥都碗進朝端餽肉無煩和卓葛來徼外分醪足樂維

新疆圖志

天章五

十二

鴻麻告永清之會正神物昭終合之期既偕地出園鐘元氣兼通  
乎異域還應霄呈疊壁貞符適叶於前年當茲什襲初披六巡  
載詠禁中頗牧胥日屬以爭誇臺上鄂褒亦手捫而暗認繁爾  
韻催銅鉢程功庶慶其得全顧予銘功金甌記實蘄箴夫持滿  
今日青宮集近臣聯吟例許列文茵玉盤先後來殊域

石鼎推敲繼綺晨隔歲紫光圖凱會韶年

蒼緯答精禋東升旭影霞初絢臣傳西繞山容黛半皴綵勝吉占迎

曙燦花幡芳信颺風頻鶯遷柳放梭初擲臣保魚樂冰開尾有萃

節應棣通蠲穀且律調太族協初旬菜挑七種羅肴核臣劉裘粲

三英集組紳坐列共球昭拓土班添氈屬賀填闡辟邪遠掃天

堂穴臣兆

惠

延喜遙開月竊垠猶憶逐犇阿睦爾因緣收器額琳秦番語謂寶一

之爲甚甯思二

天且無違而况人果見獻琛來攘攘誰容遊釜走踐踐衛拉四部



全歸吏臣梁詩正厄魯千羣總隸民遂有白環踰弱水同時青鉢共香

塵寶裝鞞琫芙蓉臣陳鏞藉主璋翡翠綸嗜嚙文鐫詰屈堅

昆椀璞劓嶙峋汗溝流赭毛頒馬臣劉綸陽冶鎔黃趾鑄麟九府圓

型工肉好三河方折探齋淪包符自效圖書數臣舒赫德

製御瓊異奚誇冠帶倫欲懇伊犁興稼穡誰埋大窖出璘珣護呵信

是資丁甲

博識何須問癸辛若木葩勇分韞匱望舒暈滿儷浮筠昔年昔

藉充沙漠臣于敏中此日琉璃對映振瓊笥駢函重珏輯

瑤階聯晉六符陳圍三渾約涵規數臣錢汝誠倍兩橫當布指循累譯走

偕車輶轆他山攻借石磨磷那誇琬琰呈和璞臣介福詎數璿浮出

帝困頒瑞記曾探大酉搜源跡直溯西申窺同象緯聯璣璧臣何國宗

製御薦旅梯航配鯨鰲劍契豐城語豈誕珠還合浦事誠神乾坤奇

偶成交泰

雷雨經綸濟險屯寶玉彤弓疇許盜元音大呂不終湮性原特

新疆圖志

天章五

十三

達馳包匭臣觀保質本堅剛協化鈞幾試崑炎光獨葆潛通虹氣蟄

還伸連城價詎千金重臣王際華照廡芒驚五色勻幅湊璵璠徵合軌

種滋蒲穀驗同昀捧來有澤能盈手臣錢維城選得無暇可澡身容灸

具先超鼎耳斟膏用或並杯唇雙飛入襲輝相照臣張泰開

製御二妙同臺意自親侍從今日昔上將追倍密席遠嘉賓是日御前蒙古王公亦在坐

武成久矣人心豫

費獻駢如地寶臻響應鑄尊鐘典樂製侷臘鼓掌成均夜光互

獨聯形影臣王會汾鼉采交輝象介僕何俟得璜偏海溼本來投石自

天濱躍淵似擊蕤賓鐵臣金姓啟曠如探安息燈煜煜鴻儀剛比德

斑斑龍補恰為鄰紋凝水碧浪微吐臣陳兆崙廉劘山元體最純細較

廣袤齊尺寸遙覘氣象炳星辰中涵溫潤疑丹甑臣倪承寬

製御外達菁華異綠瑑象協地天涵太極圓呈日月麗雙輪巧諧訝

似能飛鏡

達屆欣同不脛珍定識洪鑪奇締造無勞哲匠費陶甄衆形雕



刻天工錯臣邊繼祖圓蓋帡幪

睿藻彬授簡載賡陳

黼座盍簪依永上

楓宸嘉祥喜叶南山祝臣廣文劭燕飲歡斟北斗醇魯寶承匝歌

酌賚荆璆琢敦舞章斌鏤雲列架頰虬臥臣謝塘散采流蘇子

鳳馴

惠浹辰筵銘瑞甕樂張

廣殿捋和鐔蓼牙入饌纔逢穀臣汪承錫

御製椒蕊粘屏始建寅三品果盛回部味九華鐙映上元春敢誇禹

貢傳西被惟對湯盤凜日新

流杯亭小宴都爾伯特親王策凌等

宛轉清流繞石渠羽觴小宴款康居呼前手賜笑言接喜可身循

禮法初荒畧從來事杯飲傾誠那解飾虛譽褻蹠錦段頒中禁滿

載歸教豔拂廬

新疆圖志

天章五

十四

宴都爾伯特親王策凌郡王策凌烏巴什等於萬樹園詩以紀事

萬樹參天煥曙霞穹廬酒醴樂柔遐薰風五月偏含爽湛露三巡

共拜嘉

天與人歸寧可拒茅分爵錫自應加徵招應律歡情洽試聽編鏡

設虞才

渠搜何必鎮天驕來賀傾誠不憚遙外廐馬為中廐獻新賓人併

舊賓邀時四十九旗扎薩克并青海諸部王公台吉畢集行在皆令人宴鏤錫自可隨方俗冠服同教式本朝策凌等人

觀後即賚以冠服俱從本朝之製避暑非今屢惠遠千秋

家法仰

仁堯

高宗純皇帝紫光閣五十功臣像贊有序

西師之役賴

天佑乘時運資衆力拮据擘畫幸底厥績固非予一人所敢逆

料敢期必也然稍可以謝衆論愜深衷者無他則以賞罰信而



應機速耳語曰日中必昃操刀必割應機宜速也書曰罪疑惟輕功疑惟重言賞罰宜信也機之來發於無窮之源而應以萬變之極蓋難言之若夫信賞必罰似非難事而亦有所難者則以不能因物付物有容心於其間耳且罪疑而後從輕若不疑而亦從輕則偷生者何懼焉功不疑而從重其理固當然涉疑而屢從重則冒賞者生心而真功反有向隅者矣是知疑不可也夫不疑而功惟真功賞斯重焉罪惟真罪罰斯必焉則捨命灰軀冒矢石投鋒鏑之倫孰不勸以懲乎茲者事定功成寫諸功臣像於紫光閣朕親御丹鉛各系以贊不過譽不尙藻惟就諸臣實事錄之並闡其義如右雲臺二十有八凌煙二十有四而此五十人者則以國家中外一統宣力者衆然此猶舉其尤緒者若斬將擐旗建一績致一命者亦不忍其泯滅無聞將亦圖其形而命儒臣綴辭焉

大學士一等忠勇公傅恒

新疆圖志

天章五

十五

世胄元臣與國休戚早年金川亦建殊績定策西師惟汝予同鄧侯不戰宜居首功

定邊將軍一等武毅謀勇公戶部尙書兆惠

濟爾哈朗喀喇烏蘇兩番襲殲均保盤虞以智濟險以誠感衆卓哉崇勳闢我提封

原定北將軍一等誠勇公兵部尙書班第

元戎率師平定伊犁而何阿逆叛亂乘危變出不期投軀西漠故里櫬歸痛哉酌酌

原靖逆將軍三等義烈公工部尙書納穆扎爾

我懷賢勞命將往代正直黑水猖獗鼠輩以二百衆陷萬賊中因緣殉節勇濟以忠

定邊右副將軍親王品級超勇郡王策布登扎布

拍馬彎弓無敵所向不曾讀書如古名將和洛霍斯少勝衆彼超勇親王額駙之子



定邊右副將軍一等靖遠誠勇侯理藩院尙書富德

古云福將信有其言所過均吉勇冠軍門不甯一勇兼善於謀吉林拔萃特賜封侯

原定遠右副將軍二等超勇伯內大臣薩拉爾

彼中宰桑識時早歸帥部以往克贊戎機拔身戰出不忘本朝云胡不死責備則澆

原大學士三等忠勤伯陝甘總督黃廷桂

外任封疆內司綸綽俾理儲胥經權弗紕殫誠盡智事協予心未同凱宴痛惜曷任

參贊大臣和碩親王固倫額駙色布騰巴爾珠爾

惟科爾沁世連嫺戚魯館承訓王廷宣力參贊軍務賊營夜侵中創弗退嘉乃忠心

參贊大臣固山貝子扎拉豐阿

準夷之叛奉命在道賊遮中途屢戰不撓其志既篤其材亦英蓋

新疆圖志

天章五

十六

自髫年教養禁廷

參贊大臣扎薩克多羅郡王羅卜藏多爾濟

渭陽所出扎薩額材命帥本部宣力龍堆及愛隆阿單騎見虜降哈薩克厥功甚鉅

參贊大臣多羅郡王額敏和卓

吐魯番族早年歸正命贊軍務以識回性知無不言言無不宜其心匪石不可轉移

參贊大臣工部尙書舒赫德

屢受重寄亦屢左遷厲厥意懦策厥材賢白衣白水聞黑水信安衆進援爵秩重晉

參贊大臣一等果毅公兵部尙書阿里袞

富德入援次呼爾璊趨行戈壁馬不進焉以馬濟軍敵行夜襲同事建績曰鄂博什

原參贊大臣三等襄勤伯總督鄂容安



世臣知書料善論兵惜弗通語遂弗燭情變起倉卒力戰命畢用違其材實予之失

叅贊大臣一等承恩毅勇公戶部侍郎副都統明瑞

椒室懿親年少志雄謂可造就俾學從戎獨出獨入既忠且壯屢立宏勳愜予所望

叅贊大臣工部侍郎副都統阿桂

阿克敦子性頗捷敏力請從戎宜哉惟允身不勝衣心可干城楚材繼出爲國之楨

原參贊大臣三等子戶部侍郎副都統三泰

率二百人共詣軍營臨敵而退寧爲忠誠如早聞言何致殞身不前不後失二賢臣

原參贊大臣前鋒統領騎都尉又一雲騎尉鄂實

其兄殉節其弟忍使欲報兄讐固請不已黑水之挫復以隕身超越前罪賞延後昆

新疆圖志

天章五

十七

領隊大臣內大臣博爾奔察

矍鑠請行索倫巨擘挽五石弓尙能殺賊如鷲之擊不留飛鳥馬援來歸殊恩榮老

原領隊大臣安西提督總兵官豆斌

宿將行間久矣宣力所董綠營遵其律則隊中獨喪是有命焉裹創慰衆益屢哀憐

原領隊大臣甘肅提督總兵官高天喜

爪牙之將用不拘資感予特達効命何辭百戰百進義弗旋踵怒則面赤是謂血勇

領隊大臣副都統塔什巴圖魯端濟布

將軍黑水先衆徑渡固營待軍實端濟布衆寡稍挫倉卒周防奪回人馬勇且謀長

領隊大臣護軍統領愛隆阿

將門傑種拍張撫髀受將軍檄力戰全歸整師再進賈勇陷堅弟



巴靈阿盡節軀捐

領隊大臣前鋒統領墨爾根巴圖魯瑪瑞

侍衛從征奇功屢立雖賊萬衆單騎直入陷陣馬仆距躍彎弓賊人咋舌稱天上雄

領隊大臣內大臣副都統巴圖魯濟爾噶爾

都爾伯特部中傑驍嘉其心直授職本朝凡與交戰義弗返顧師濟和闐不孤恩遇

散秩大臣穆爾德木圖巴圖魯齊凌扎布

旗籍蒙古偏校從軍殺賊則奮鶻入鴟羣與噶布舒分守和闐保衆集事且有謀焉

散秩大臣哈坦巴圖魯噶布舒

躍馬秬弧先鋒鏖陣入俄羅斯得阿逆信和闐既定論功策勳衣錦歸籍散秩大臣

副都統噶畢雅圖巴圖魯額爾登額

新疆圖志

天章五

十八

軍門統事諸務勤宣亦能力戰突將無前入拔達山索逆回馘曉諭殊方是其偉績

郡王霍集斯

奉元戎檄擒達瓦齊後稍觀望旋迎我師同大軍進被圍黑水回部望族居之京邸

貝子鄂對

平伊犁時歸順勤王回部傑出其心允良往諭和闐被圍三月共噶布舒全守卓越

內大臣鄂齊爾

前無堅對後無返思持稍一呼千賊披靡揚揚英氣泐泐偉身與薩拉爾蓋同部人

散秩大臣喀喇巴圖魯阿玉錫

於格登山賊據險守率廿四人間道襲後諸賊大潰爰以成功本厄魯特降順効忠



原散秩大臣騎都尉達什策凌

衛拉從征暗啞咤叱額駙受創衛護以出用賜殊恩用以奮感畢命回城每懷惻慘

副都統鄂博什

索倫營總乙亥師出老而益壯頗識戎機厄魯回部胥聞其名聳身馬上如擊兔鷹

副都統圖布巴圖魯溫布

生不知懼戰不知退亦不受傷銅額鐵背弓可擔水箭如鏖鏹溫侯名布是耶非耶

副都統克特爾克巴圖魯由屯

本射生手狼不暇走以之殺賊如探囊取奇功屢建亦因閱歷世職崇階酬其勞績

原副都統騎都尉又一雲騎尉三格

渾齊全遯疎防降謫從軍贖罪每戰必力黑水殞命豁罪論功圖

新疆圖志

天章五

十九

象紫光表功無窮

原頭等侍衛舒布圖凱巴圖魯奇撤布

包沁之叛千賊一身賜巴圖魯防乎斯人後復屢戰喪哈薩克始終於是曷勝悼惜

頭等侍衛博克巴圖魯老格

哈薩錫拉叫諷稱亂趨羊適過以計解難後復從軍屢戰屢進單馬衝突獅子奮迅

頭等侍衛墨爾根巴圖魯達克塔納

庫車圍攻命守要害偵賊來援周防以待賊卻乃前賊前乃卻引至大隊是韃是膊

頭等侍衛薩穆坦

厄魯劫運構釁互戕識時拔出致力疆場首被掄選往拔達山譯語曉譬共索馘還

原二等侍衛固濟爾巴圖魯雲騎尉滿綽爾圖



捉生以出被回所遮衆寡不敵矢盡堪嗟罵賊以死雖死猶生時共事者達什策凌

二等侍衛哈朗圭巴圖魯塔瑪鼐

聞戰則喜無生有死五易馬進終弗却視身不及膽心則乏謀用以衝陣勝五百牛

原二等侍衛哈布台巴圖魯富錫爾

三巴圖魯於中之一要遮色楞忽墮其術不及彎弓白刃揮霍猶斬數人之死弗卻

二等侍衛額爾巴圖魯海蘭察

烈風掃枯迅其奚難亦賴衆傑摧敵攻堅於塔巴台射巴雅爾是其偉績勇鮮倫比

原二等侍衛雲騎尉富紹

黑水築柵未畢賊侵蜂屯蟻雜攘攘林林持將軍令意氣昂藏來往慰衆銃殞身傷

新疆圖志

天章五

二十一

三等侍衛賽音博勒巴圖魯扎奇圖

狗盜雞鳴孟嘗不棄竊馬何害用人之際間道達檄首遴斯人雙雄此肩衝出萬軍

三等侍衛什倫哈什哈巴圖魯阿爾丹察

騎二駿馬縱兩神鶻回如瓦雀伏不敢發共扎奇圖左旋右抽卒致軍信効力獨優

三等侍衛卓里克圖巴圖魯五十保

軍檄再發更掄五英馳驛月餘迅至北京捨身報國不可數算舉其尤者圖形作贊

附奉

勅恭撰紫光閣五十功臣像贊

並跋

參贊大臣一等誠勇公都統巴祿

準部回城咸惛將種慟父殞賊殺賊逾勇兩世濟美同上凌烟古稱定遠其何有焉



叅贊大臣杭州將軍福祿

戰呼爾滿險艱戮力逮駐和闐亦資部勒出勦贊畫入晉庸封移  
鎮武林旌節雍容

原領隊大臣甯夏將軍一等子和起

整旅追亡計擒巴雅肘腋釁成日維呢嗎一翎歸報嘍哨如生罪  
人斯得刳祭於瑩

叅贊大臣喀爾喀扎薩克和碩親王桑寨多爾濟

藩郡名王英姿卓爍繕邊助討匪渝其恪濛瀛冠帶檄調不繁歸  
爾屏翰以鑰北門

叅贊大臣喀爾喀扎薩克多羅郡王車木楚克扎布

朔方藩衛忠愨夙敦收烏梁海甌脫氣吞更躡叛魁青滾雜卜五  
等既崇三遷彌速

原領隊大臣都統滿福

言率新附渠酋是擒而何汗裸鼠首狼心遇伏不撓穿齷賊輩隳

新疆圖志

天章五

二十一

被陣雲精英豈昧

領隊大臣甘州提督閣相師

薄庫車門石著於額屹不爲動觀者咋舌葉羌之役虛擣亢批雄  
姿偉幹足鎮關西

領隊大臣哈密郡王品級貝勒素富

筠冲望族作蕃伊昔以通回情軍諮是譯六城既納三豎焉逃其  
鎮烏什犬不夜嘯

頭等侍衛副都統西朗阿巴圖魯查拉豐阿

手格猛虎曾不色變矧驅羣羊窮回敢面昔巴圖魯曰丁將軍孫  
西朗阿克紹前聞

領隊大臣副都統瑚爾起

突擒渾齊其氣如虹及降勃律烏幕占風圍解和闐戰慶大食麾  
螯而登威著西域

原領隊大臣副都統阿敏道



逆回反噬狂同獬狗往諭變生恥汚賊手裂眦唾罵止水明操阿  
克蘇河猶聞怒濤

副都統墨爾根巴圖魯伍岱

轉戰朔庭鎧盡蟻虱射昂可圖組縻尺一拔戟成隊績著回中摧  
堅入險積健爲雄

副都統觀音保

濟爾哈朗力固噶爾喀喇烏蘇襲迫復完衆謂神兵出兩奇厄論  
據守功兵一賊百

領隊大臣肅州鎮總兵官五福

礮車失衛謫官示懲輜重克全復鎮旌能功於過觀瑕不瑜匿况  
同苦甘允率爾職

回部公和闐阿奇木伯克阿什默特

烏什右姓負弩最先偕我虎臣往收和闐風鶴之時孤城兀守嘉  
此忠勤俾勸爾後

新疆圖志

天章五

二十二

回部公喀什噶爾阿奇木伯克噶爾默特

身本回族願効前驅軍門再欵道梗勿渝出入諸艱始終一節列  
爵專城以旌英傑

前鋒參領特古爾得爾巴圖魯良音太

焚善轟礪金川著績歷戰西陲每當鋒鏑準夷旣喙回部斯曠所  
向披靡健銳之英

署叅領額爾克巴圖魯巴岱

搃搏羅特賊魁莫逋迨捍和闐獨入其郭墜馬驍騰裹創草草猶  
左右射應弦輒倒

協領布彥圖巴圖魯布爾哈

掉鞅伊犁彎弧洱海入陣拍張不煩厲乃踰溝拔寨斂礮傾臺肯  
辜纓組捨生始迴

察哈爾總管蘇朱克圖巴圖魯納蘭圖

隨征絕漠戰則請前旋上和門計級絜然手奪則鎗還以刺賊渾



齊之追厥功尤特

原領隊大臣察哈爾總管坤都爾巴圖魯巴甯阿

見賊輒怒怒刺必拔戰布拉齊矢石交戛奮身揮突竟殞賊中既  
嚮叛首祭以報忠

索倫總管齊達克齊巴圖魯阿爾哈爾沁

背城阻水兼臨斷橋濡泥入坎神力獨超歷事戎行金創常滿遂  
由伍卒游階總管

索倫總管哈坦巴圖魯薩壘

重圍趣援銜枚聽令閱五日夜衝鋒彌勁不甯惟是軍伐夙優招  
三戎部蹙兩叛酋

原索倫總管賽沙爾泰巴圖魯扎爾善

黑水一釣躍馬橫戈如入無人格殺獨多詎云力盡結纓氣倍烏  
孫大宛屢試功在

索倫佐領克圖爾克巴圖魯諾璜察

新疆圖志

天章五

二十三

追固兩板戰哈薩克手與賊持縱銜弛勒屢躡屢起卒俘以還征  
袍不解創血常殷

頭等侍衛什爾瑪海巴圖魯德爾森保

桓桓虎賁擢僑龍江回湟濟師鞞飛駿驄屢蹴逆渠誓作菹醢實  
副嘉名什爾瑪海

頭等侍衛塔蘇爾海巴圖魯占頰圖

修羅障日恃其有手一矢洞之血及於肘射巴雅爾能事不虛問  
所挽弓十四力餘

頭等侍衛固勇巴圖魯伊薩穆

援兵雖來畫塹相望孰騎而呼爲告無恙維巴圖魯偕往趣師其  
衝賊隊如水分犀

三等侍衛克什克巴圖魯伍克什爾圖

預軍門選聯鑣致書纏頭幾萬翩如入虛達阿克蘇跣將及膝鉛  
彈在背至今未出



三等侍衛克爾車赫巴圖魯沙津察

誰從閒道同緘蠟丸瞋目大叫勢無萬難矢石之交得路一綫克爾車赫洵稱膽練

三等侍衛坤都爾巴圖魯扎敦察

超距長才且戰且走非去突圍乃斬關手待我具五壯哉此行奚啻同袍蓋心膽并

頭等侍衛丹巴圖魯莽喀察

控弦疆場橫槩沙磧還經黑水中流投策蠹屯蟻聚跳盪隻身捉生燒寨勇著索倫

頭等侍衛布哈巴圖魯齊里克齊

行不旋顧戰不待援旣征朔漠還使西宛萬里折衝千夫辟易錫號布哈實惟名覈

頭等侍衛卓里克圖巴圖魯額訥慎

一戰伊犁再呼爾璊攬身入賊賊營夜翻被刺三槍傷痕斜豎牌

新疆圖志

天章五

二十四

以紀功勇猶可賈

原頭等侍衛瑚集圖

以五十人斷河源路七千餘衆莫敢泅渡旣彰嘉績還送急徵遇賊捐軀悼惜曷勝

原二等侍衛克丑巴圖魯甯古禮

羽林材武奮跡巖疆單騎采入捷若探囊花門堞摧黑水礮奪裹革而還生氣咄咄

原三等侍衛伊德爾巴圖魯奎瑪岱

枕戈幕庭有進無退更隨大帥馳壁往代長蛇封豕首塗告偵死綏倉卒猶揮短兵

原三等侍衛特通額

絕徼折衝志存幹蠱所向無前不待柁鼓渡河邁險矢盡於房罵賊以殉嚼齒勿忘

原藍翎侍衛莫甯察



畧地湟中嘯聚云夥霹靂弦鳴箠無餘竒一間老屋固壘坐焚崑岡貞玉氣尙干雲

二等侍衛丹巴巴圖魯那木查爾

于思棄甲誰當一隊徑率百人攻其腹背手取回礮回膽盡寒鐵繡模糊橫捎左鞍

二等侍衛特古思尼圖魯泥布

唾手縛賊賊莫能奪引身救人人無不脫西拔達山北俄羅斯獨來獨往繫特古思

二等侍衛哈什哈巴圖魯瑪格

往來哈薩訖於諸回身長善戰辰韓異才肉薄葉羌築堡自繕凡三閱月獨當一面

原二等侍衛哈什哈巴圖魯達爾漢

齊爾哈朗如蘖生苞提幾部卒突出前茅諭賊捐身驚呼健者舊隸名番達什達瓦

新疆圖志

天章五

二十五

三等侍衛卓克托巴圖魯恩特

初從參贊追奔漠北復從將軍蹶圍西極路逾萬里時閱百旬洗甲蒲昌餘癥滿身

三等侍衛西爾庫濟巴圖魯伊達木扎布

飲飛之杰凌厲朔陲諭降別部介馬而馳援呼爾璊躡伊西洱彼竭我盈么麼魄褫

三等侍衛庫爾察巴圖魯茂漢

北路西川舊勞弗替載進祁連新庸孰逮阿爾泰嶺瑪那斯河訥可之獲其功實多

三等侍衛舒都拉呼巴圖魯西洱庫爾

龍武健士袴褶從戎戰終十數甲不一衷古亦有言殺敵致果聞桴躍鞍金瘡未裹

原三等侍衛拜達爾

別將百人往探回窟遇賊輒殲如手捫虀兩晝夜入圍出圍英



姿颯爽伏節一揮

原藍翎侍衛舒倫巴圖魯喀拉

偕拜達爾結隊前鋒射身被遮援絕數重焚柵蹈火火烈具舉望者愕眙謂目光炬

藍翎侍衛固濟爾巴圖魯伊登古

躡巴雅爾戰不避艱追霍集占抵拔達山顯號克膺宜固濟爾用厲顏行成勞是紀

新疆圖志

天章五

二十六